

ՀՀ ԿԱ պետական եկամուտների կոմիտե

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 9/4

17 մայիսի 2016 թ.

Քննարկվեց «Կեռամա Սալոն» ՍՊԸ-ի գանգատը «Շրջանառության հարկ վճարող համարվելու վերաբերյալ ծանուցագիր» Նոր Նորքի ՀՏ կողմից սահմանված կարգով ուղարկված (հանձնված) չլինելու վերաբերյալ:

«Կեռամա Սալոն» ՍՊԸ-ի գանգատում բերված փաստարկները.

Գանգատում մասնավորապես նշված է, որ «Կեռամա Սալոն» ՍՊԸ կողմից սահմանված կարգով ներկայացրել է 2016թ-ի 1-ին եռամսյակի շրջանառության հարկի հաշվարկը, սակայն համակարգը այն չի ընդունել: Նոր Նորքի ՀՏ-ում պարզաբանել են, որ 2015թ-ին «Շրջանառության հարկ վճարող համարվելու վերաբերյալ ծանուցագիր» ստացած լինելու պայմաններում ընկերությունը պարտավոր էր ինքնուրույն «Շրջանառության հարկի մասին» ՀՀ օրենքով սահմանված կարգով ներկայացնել շրջանառության հարկ վճարող համարվելու վերաբերյալ հայտարարություն, ինչը, սակայն, չի ներկայացվել:

Գանգատաբերը պնդում է, որ «Շրջանառության հարկ վճարող համարվելու վերաբերյալ ծանուցագիր» իրեն երբևէ չի հանձնվել:

Ելնելով վերոգրյալից՝ գանգատաբերը խնդրում է 2016թ-ի հունվարի մեկից իրեն համարել շրջանառության հարկ վճարող, ինչպես նաև վարչական տույժ չկիրառել:

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովի եզրակացությունը.

ՀՀ ԿԱ ՊԵԿ հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ «Կեռամա Սալոն» ՍՊԸ կողմից սահմանված կարգով ներկայացրել է 2016թ-ի 1-ին եռամսյակի շրջանառության հարկի հաշվարկը, սակայն համակարգը այն չի ընդունել: Նոր Նորքի ՀՏ-ում պարզաբանվել է, որ 2015թ-ի ընթացքում ընկերությանը «Շրջանառության հարկ վճարող համարվելու վերաբերյալ ծանուցագիր» հանձնված լինելու պայմաններում, ընկերությունը պարտավոր էր ինքնուրույն «Շրջանառության հարկի մասին» ՀՀ օրենքով սահմանված կարգով ներկայացնել շրջանառության հարկ վճարող համարվելու վերաբերյալ հայտարարություն: Նշված հայտարարությունը չներկայացվելու հետևանքով ընկերությունը համարվել է ավելացված արժեքի հարկ վճարողներ:

Վերոգրյալի կապակցությամբ հարկ է նշել հետևյալը.

«Շրջանառության հարկի մասին» ՀՀ օրենքի 4-րդ հոդվածի 1-ին մասի համաձայն. «Հայաստանի Հանրապետությունում շրջանառության հարկ վճարող կարող են համարվել սույն հոդվածի 2-րդ մասով սահմանված պայմանները բավարարող Հայաստանի Հանրապետության ռեզիդենտ համարվող առևտրային կազմակերպությունները, անհատ ձեռնարկատերերը և նոտարները, այդ թվում՝ նոր

ստեղծված (պետական գրանցում ստացած կամ հաշվառված) հարկ վճարողները (այսուհետ՝ անձինք), բացառությամբ սույն հոդվածի 3-րդ մասում նշված դեպքերի՝

1) յուրաքանչյուր տարվա հունվարի 1-ից մինչև այդ տարվա ավարտը (բացառությամբ օրենքով նախատեսված՝ տարվա ընթացքում ԱԱՀ վճարող համարվելու դեպքի), եթե մինչև այդ տարվա փետրվարի 20-ը իրենց հաշվառման վայրի հարկային մարմին են ներկայացրել վերադաս հարկային մարմնի ղեկավարի հաստատած ձևով շրջանառության հարկ վճարող համարվելու վերաբերյալ հայտարարություն. »:

Իր հերթին, «Շրջանառության հարկի մասին ՀՀ օրենքում փոփոխությունների և լրացումներ կատարելու մասին» 21.06.2014թ. ՀՕ-128-Ն ՀՀ օրենքի 10-րդ հոդվածի համաձայն՝ շրջանառության հարկ վճարող համարվելու վերաբերյալ հայտարարություն ներկայացնելու վերջնաժամկետը կիրառվում է միայն այն դեպքում, եթե հարկային մարմինը հարկ վճարողին ծանուցել է օրենքով նման վերջնաժամկետ սահմանված լինելու մասին: Եթե հարկային մարմինը նշված ծանուցումը հարկ վճարողին ուղարկում է շրջանառության հարկ վճարող համարվելու վերաբերյալ հայտարարություն ներկայացնելու համար օրենքով սահմանված ժամկետներից հետո, ապա որպես շրջանառության հարկ վճարող համարվելու վերաբերյալ հայտարարության ներկայացման վերջնաժամկետ սահմանվում է հարկ վճարողին ծանուցումը տրամադրելու օրվան հաջորդող 7-րդ աշխատանքային օրը:

Տվյալ դեպքում ընկերության տնօրենը պնդում է, որ հարկային մարմինը նշված ծանուցումը՝ «Շրջանառության հարկ վճարող համարվելու վերաբերյալ ծանուցագիր» իրեն չի ուղարկել (սահմանված կարգով չի հանձնվել):

Սույն գործում առկա ապացույցների ուսումնասիրության արդյունքում Հանձնաժողովը եկավ եզրակացության, որ «Շրջանառության հարկ վճարող համարվելու վերաբերյալ ծանուցագիր» ընկերությանը չի ուղարկվել (սահմանված կարգով չի հանձնվել):

Ելնելով վերոգրյալից և ղեկավարվելով «Շրջանառության հարկի մասին ՀՀ օրենքում փոփոխությունների և լրացումներ կատարելու մասին» 21.06.2014թ-ի ՀՕ-128-Ն ՀՀ օրենքի 10-րդ հոդվածի դրույթներով, Հանձնաժողովը գտնում է, որ տվյալ դեպքում շրջանառության հարկ վճարող համարվելու վերաբերյալ հայտարարություն ներկայացնելու վերջնաժամկետը ընկերության նկատմամբ կիրառելի չէ:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով Հանձնաժողովը

Ո Ր Ո Շ ՈՒ Մ Է՝

«Կեռամա Սալոն» ՍՊԸ-ի գանգատը բավարարել:

Հանձնաժողովի նախագահ՝



Վ.ՄԻՐՈՒՄՅԱՆ